

մէջ կը գտնուէինք. սակայն մարդուս գիրքը, թէ-
պէտեւ ժամանակ մը կապուած և անազատ ևս լինի,
այլ միտքն միշտ ազատ է. եթէ այն միջոցին մարմ-
նով Ենիգալէի նեղուցին դիմաց անգործ սպասե-
լու դատապարտուած էի, այլ մտացս համար չկար
արգելք Նախիջևան երթալ գալ, նոյնպէս մինչև ցհե-
ռաւորն Անի: Այլ հանգամանք պարագայից շատ
չհեռացուցին միտքս այդ ափունքէն: Կը ներհն ինձ
անշուշտ արգոյ ընթերցողք, եթէ ես աստ մտացա-
ծին ցնորիւք հայ ճանապարհորդի՝ սակաւ մի զբա-
ղեցնեմ գիրենք, մինչև որ զմեզ կրելի նաւն գայ:

Անձին փորձով անշուշտ ամեն ոք գիտէ, թէ շատ
անգամ մի վանկ, մի բառ, մի անուն՝ մարդուս
միտքը որ տեղուանք կը տանի. իմ դիմացս մի
պատմական մեծ անուն, լերին յատկացեալ, կանգ-
նած կեցած էր, Միհրդատայ Եւպատորի փե-
սայի կամ քեռառն՝ մերս քաջին Տիգրանայ Արշա-
կունւոյ: Ի պատմութենէ գիտեմք՝ որ Միհրդատ
Եւպատոր տիրած է թերակղզւոյս, փրկչին թուա-
կանէն 80 տարի առաջ, Քերսոնիսեան հզօր հա-
սարակապետութեւնը, Վոսփորեան թագաւորու-
թեան հետ ՚ի միասին, որոյ մայրաքաղաքը դիմացս
կեցած էր, մարդ կացուցանելով իւր աշխարհին կամ
թագաւորութեան Պոնտոսի:

Կերջի հին անունն Պանտիկապէոն է, քաղաք-
հինգ-բազնաց. ե՞րբ կամ յորո՞ց կրած է այդ ա-
նուանափոխութիւնը, յայդմ՝ զանազանին կարծիք
գիտնոց: Այլ ես Տիգրանայ փեսին վրայ կը սքան-
չանայի մտօք, որ 2000 տարի անցնելէն վերջանգամ՝
կը տիրէր երկուց ծովուց Սևին և Ազախու, լեռ-
նահանգէտ անուամբն: Արդեօք, կ'որո՞ճայի մտօք
Թուրքաց Կէչ (անցք) բաձն է, որ այս քաղաքս կը